

## G J A L D S K R Á

### fyrir Rafveitu Akureyrar.

#### I. RAFORKA

Rafveita Akureyrar selur raforku á þann og við því verði sem hér segir:

##### A. Lýsing.

1. Um kwst.mæli á kr. 4.10 hverja kwst.
2. Um kwst.mæli á kr. 1.13 hverja kwst., auk fastagjald er nemi kr. 564.00 á ári fyrir 25 m<sup>2</sup> eða minna af gólfleti af rúmi því er lýsa skal, og kr. 17.40 fyrir hvern ferm. umfram 25 m<sup>2</sup>. Fullt flatarmál skal greiða af gólfleti í búðum, vinnustofum og skrifstofum, en fyrir geymslur og ganga má deila í fermetragjaldið með 3.5. Þennan gjaldskrárlið má nota í verzlunum fyrir kælikápa og 1-fasa mótora upp að 3 kw. og greiði notendur aukagjald fyrir hvert kw. sem svarar til gjalds fyrir 15 fermetra gólfplatarmáls á ári.

##### B. Almenn heimilisnotkun.

1. Um tvo kwst.mæla, annan til ljósa, hinn til suðu og hitunar. Á ljósmælinn reiknast ljósgjald á kr. 4.10 á kwst., en á hinn mælinn kr. 1.08 á kwst.
2. Um einn kwst.mæli fyrir alla notkun á heimilinu á kr. 0.82 hverja kwst. Auk þess greiðist fastagjald kr. 0.82 á mánuði af hverjum fermetra gólfplatar íbúðarherbergja.

Við útreikning á gólfleti skal telja öll herbergi, sem eru ætluð til íbúðar og eldhús, en ekki ganga, baðherbergi eða geymslur. Tekið skal tillit til, ef um súðarherbergi eða þvílíkt er að ræða.

##### C. Vélanotkun.

1. Um kwst.mæli á kr. 2.05 fyrir hverja kwst. Þó skal minnsta árgjald vera kr. 348.00 á hvert kw. í málaun vélanna.
2. Um mestastraumsmæli, ef um meira en 5 kw. er að ræða og notkunartími er meira en 500 klst. á ári, þannig:
  - Kr. 661.00 fyrir fyrstu 50 kw.
  - Kr. 543.00 fyrir næstu 50 kw.
  - Kr. 436.00 fyrir umfram 100 kw.Auk þess skal greiða kr. 0.34 fyrir fyrstu 200000 kwst. ársnotkun og kr. 0.25 fyrir umfram 200000 kwst.
3. Ef um meira en 5 kw. er að ræða og ársnotkunin er meiri en 500 klst. á ári, um kwst.mæli, þannig:
  - Fyrstu 50000 kwst. ársnotkun kr. 1.28 á kwst.
  - Notkun umfram það kr. 1.00 á kwst.
4. Rafmagn til súgurrkunar á kr. 0.31 fyrir hverja kwst.

##### D. Hitun.

1. Um kwst.mæli á kr. 0.35 hverja kwst., enda megi þá rjúfa strauminn með klukkurofa í þrjár klst. á dag á tímum mesta álags rafveitunnar, en þó ekki lengur 1½ klst. í senn.

2. Um tvígjaldsmæli á kr. 0.23 á kwst. frá kl. 23 til kl. 8 og á kr. 0.46 á kwst. frá kl. 8 til kl. 23.
3. Um kwst.mæli á kr. 0.185 hverja kwst., ef straumurinn er rofinn frá kl. 8 til kl. 23.
4. Til hitunar í iðnaði:
  - a. Á kr. 0.47 hverja kwst., enda sé þá minnsta notkun 10000 kwst. á ári.
  - b. Um tvígjaldsmæli á kr. 0.28 hverja kwst. frá kl. 23 til kl. 8 og á kr. 0.60 hverja kwst. frá kl. 8 til kl. 23.

*Skilyrði fyrir raforkusölu til hitunar.*

- a. Að vélaafl, götulínur og spennar þoli álagið að dómi rafveitustjóra.
- b. Að notandi kosti tengingu klukkurofa fyrir hitalögnina og greiði fyrir hann samkvæmt reglum, er gilda um leigu mæla.
- c. Að hitalagnir, þar með talin öll tæki, séu gerðar samkvæmt fyrir mælum rafveitunnar, ofnar fasttengdir og hitastillar notaðir.

**E. Önnur notkun.**

1. Rafveitustjórn getur með sérstökum samningi selt raforku þeim notendum, sem hafa eigin vélar til orkuvinnslu, með því skilyrði, að stöðva megi raforkusölu til þeirra hvenær sem þarf, að dómi rafveitustjóra.
2. Þegar sérstaklega stendur á, má rafveitustjóri, í samráði við rafveitustjórn, selja raforku eftir sérstökum samningi í hvert sinn.
3. Gjald fyrir götu- og hafnarlýsingu ákveður bæjarstjórn.

**II. MÆLALEIGUR**

Rafveitustjóri ákveður stærð og gerð mælitækja, sem nota skal fyrir veitu hverri, og er sú ákvörðun skuldbindandi fyrir notandann, sem skal greiða árlega af mælitækinu samkvæmt eftirfarandi skrá:

Tegund mælitækis	Upp að 30 Amp kr.	35—50 Amp kr.	55—110 Amp kr.	100—500 Amp kr.	Yfir 500 Amp kr.
1-fasa kwst.mælar .....	54.00	66.00	72.00		
3-fasa kwst.mælar .....	90.00	132.00	180.00	300.00	660.00
Tvígjalds- og mestastraumsælar	132.00	180.00	300.00	480.00	960.00
Klukkurofar og skiptiklukkur ..	228.00				

Af öðrum tækjum en þeim, sem nefnd eru í skránni, skal leigan vera sem næst 15% af mælitækisverðinu, og semur rafveitustjóri nánari skrá um leiguna. Leigan skal innheimt um leið og gjald fyrir raforku.

**III. OPNUNARGJALD**

1. Hafi gjald fyrir raforku eigi verið greitt, svo að til lokunar hafi komið, skal taka gjald fyrir enduropnun veitunnar, kr. 50.00. Enn fremur skal sama gjald tekið ef farið er á staðinn til lokunar, jafnvel þótt lokun sé ekki framkvæmd.
2. Ef fundin eru óleyfileg vör við skoðun, eða of stór, skal loka veitunni tafarlaust og verður hún ekki enduropnuð fyrr en notandinn hefur greitt kr. 50.00 á skrifstofu rafveitunnar.

3. Fyrir skoðun á raflögn við úttekt skal greiða tengingargjald, sem reiknast þannig:

a. Nýjar veitur:

Fast gjald .....	kr. 15.00
Auk þess á hverja grein .....	— 5.00

b. Breyttar veitur:

Fast gjald .....	kr. 10.00
Auk þess á nýja grein .....	— 5.00

Fyrir endurskoðun skal greiða tvöfalt gjald.

#### IV. HEIMTAUGARGJALD

Heimtaugargjald skal miða við flutningsgetu heimtauganna samkvæmt töflunni, sem hér fer á eftir. Fari lengd jarðstrengsheimtaugar fram úr 15 metrum eða loftlínu fram úr 30 metrum, skal húseigandi greiða yfirlengdargjald eins og taflan sýnir. Þetta gildir eingöngu um byggingar utan skipulagðra byggingasvæða.

Liður	A.	Málstraumur	Jarðstrengur		Loftlína	
			Lágmark kr.	Yfirlengd kr. á m.	Lágmark kr.	Yfirlengd kr. á stólpa
1.	25	1-fasa			1200.00	1600.00
2.	60	3-fasa			2400.00	2800.00
3.	60	3-fasa	3800.00	220.00		
4.	100	3-fasa	4900.00	250.00		
5.	200	3-fasa	9900.00	410.00		
6.	350	3-fasa	17400.00	560.00		

Lengd jarðstrengsheimtaugar reiknast frá lóðarmörkum við götu stytztu greiðfæra leið til varkassa. Lengd loftlínuheimtaugar reiknast frá næsta stólpa í notendalínu við götu stytztu greiðfæra leið að varkassa.

#### V. ÝMIS ÁKVÆÐI

- Sértaxtar hækka hlutfallslega eins og þeir taxtar, sem þeir byggjast á.
- Söluskattur samkv. lögum nr. 10 1960, um söluskatt, og samkvæmt lögum frá febr. 1964, er talinn með í upphæð gjalda þeirra, sem um ræðir í gjaldskrá þessari.

Gjaldskrá þessi staðfestist hér með samkvæmt vatnalögum, nr. 15 20. júní 1923 og raforkulögum, nr. 12 2. apríl 1946, til þess að ganga í gildi þegar í stað og birtist til eftirbreytni öllum þeim, sem hlut eiga að máli. Jafnframt fellur úr gildi gjaldskrá fyrir rafveitu Akureyrar, nr. 15 21. febrúar 1962.

*Atvinnumálaráðuneytið, 18. marz 1964.*

**Gunnar Thoroddsen.**

*Þorv. K. Þorsteinsson.*